


*Reseña obranan teatral: “De Verloren Prinses” y  
“Compa Leon ta pone ordo”*

## Lenie Jeandor cu talento y curazon grandi pa teatro. Bunita atencion y toke pa Sra. Yvonne Spellen. Tur a luci! Publico a goza. Si un cos ta bon... ta bon e ta!

*Skirbi pa Ruthy “Lady Ruth” Vrieswijk-Bergen*



Mi sa cu mi lo alegra su curazon. Mi ta cumpli cu un di su deseonan, Un reseña di curazon tocante su dos obranan presenta recientemente den Cas di Cultura cu un publico hopi grandi.

“De verloren prinses” y “Compa Leon ta pone ordo”. Sra Lenie Jeandor, un pilar riba e tereno di teatro, zonido y luz, a duna di su mes y mas. For di unda mi tabata sinta, na banda drechi di e stage, mi por a observa y nota su cara, e sinta na e otro banda, e banda links di e stage, ta guia su elenco di artistanan hoben y grandi na un manera firme cu hopi dinamismo.

Meymey di nos dos, e dos storianan a biba, cu bunita

actuacion, disfraznan colorido.

De bes en cuando Lenie mes ta goza hari, ora un cos pret of gracioso wordo bisa of sosode ariba e stage. Y...te mes a skirbie, pero e mes ta hari cu smak, pa wak y sinti tambe con dushi e publico tabata biba y pasa cu e dos obranan fantastico aki, cu, segun comentario capta aki aya, por bay nos hermana islanan Corsow y Boneiro y of hasta Hulanda pa presenta pa e muchanan ayanan. Un soño kizas, pero te awendia tin soñonan bunita ta wordo realiza.

Esey lo ta un proyecto hopi caro, pero no imposibel, Den “De verloren prinses” por a

goza di tremendo actuacion di : Koning Mirto Tromp, Koningin Marilyn Lugay, Prinses Irene Penja, Prinses #2 Genesis Orozco, Prinses # 3 Britney Hagedoorn, Inspecteur Generaal Ryan Rogers, Nana Manon Rigaud, Boze Hofdame Sharon Rose, Hofdame Promente Viviana Croes, Hofdame Suave Valery Croes, Soldat Pompoen Theo Vrolijk, Jager Snoepeter Julio Palencia y Cupido Martica Lugay, kende a carga e obra aki, terciendo mensahenan positivo y bunita pa cu tur nos muchanan mester por bay dal un keiro den e Mundo di muchanan feliz. Pa mayornan duna atencion y amor na nan yiunan. Den e obra: Compa

Leon ta pone ordo” publico por a admira y goza di e fantastico actuacion di: Compa Leon Daylan Krozendijk, Luna ta Roselien Figaroa, Solo den persona di Elouise Weyman, Mucha Avi-jace Krozendijk, Boa Jamira Rafini, Conew Rachel Hennep, Prikichi Thaina Lacle, Troncon Jessica Palencia, Chiripa Gillian Loefstop y Rodwin Figaroa a actua como e Burico. Den e



obra aki a pone énfasis e.o. pa nos tur yuda tene nos lugarnan Limpi, tambe nos mondinan y cu tur hende tin nan mesun buniteza! Hasta Chiripa! Un obra cu canto, musica y baile. E directora di escenario ta Miki Gravenhorst, Diseno decor Roland Jansen, Construcccion Decor Richard Hopmans, Angaela Velasquez y Roland Jansen, Coreografia den man di Sonia Geevers, Diseño y operador di iluminacion pa Omar Brown, diseño sonido pa Mike Odor, Operador sonido Rigenald Velasquez, Operadornan spotlights ta Alexanader Odor y Anoir Odor, Diseño Vestuario pa Compa Leon ta pone ordo ta John John Flemming, Robertico Jeandor a escoge e diseño vestuario pa De verloren prinses, mientras cu Diego Fernando Giraldo a cose e vestuarionan pa tur dos obra, Diseño y cosedo di e sombrenan ta Izaira Pirela y presentadora maestra di ceremonia tabata Sra. Ruthy Vrieswijk-Bergen.

Sra. Lenie Jeandor, como autor y director di e dos obranan aki, a score hopi halto sigur, ya cu sala tabata keto y tur hende tabata scucha y sigui cada movecion cu hopi atencion y

hari cu smak, ora cosnan pret pasa..

Pabien na Unoca: “Educacion cultural pa tur igual” y Grupo Internacional di Teatro Arubano pa nan exitoso presentacion. Lo bay presenta e obranan aki pa scolnan basico? Tanto trabao hinca asina bunita y profesionalmente den otro merece mas...

Despues di un bunita atardecer, ora ya tur hende a sali pa bay nan cas nos a topa cu e prinses Irene Penja y tambe Chiripa Gilliane Loefstop, den e sala ya bashi. Cu nan cara y curazon satisfecho. Mi a imagina mi mes, con tur e muchanan di e mundo feliz a bolbe drenta nan mundo di rutina di tur dia, y mi a bay den mi mesun pensamiento, como lider scout Bubbels, cu ta tuma un comunidad pa lanta un mucha y lague sinti su mes mas feliz! Cu amor y alegria! Bo tambe por imagina bo mes y wak nos muchanan sinta ariba e stoelnan, cu ya a bira bashi, bo tambe ta kere, cu nan a bay cas cu anhelo y sentimentonan pa tin nan papi cu mami band’i nan, ora nan trece nan bunita rapport cas, pa celebra hunto cu famia?